

Austurlandi 21. mars 2018

Samgöngu- og sveitastjórnarráðuneytið

Mál: nr. S-32/2018

Efni: Umsögn um þingsályktun um stefnumótandi byggðaaætlun fyrir árin 2018-2024

Í framlagðri tillögu að til þingsályktunar eru mörg mikilvæg verkefni í þróun í byggðamálum á næstu árum tíunduð. Áherslur á aðgengi, tækifæri og sjálfbæra þróun liggur til grundvallar sem hornsteinar áætlunarinnar með aðgerðum og markmið um samþættingu við aðrar áætlanir ríkisins.

Í ljósi markmiða um samþættingu við aðrar áætlanir ríkisins vill Austurbrú hvetja til þess að skoðað verði hvort taka eigi upp byggðamiðaða fjárlagagerð. Fyrirmynd að slíku má sjá t.d. í kynjaðri fjárlagagerð þar sem horft er til þess að jafna mismunandi stöðu karla og kvenna í samfélaginu. Í því samhengi er mikilvægt að hægt sé að svæðisgreina ríkisútgjöld í fjárlagagerðinni. Líkt og með kynjaða fjárlagagerð þá gæti skapast þörf á því að endurskipuleggja fjárlögin þannig að þau stuðli að ofangreindum áherslum þingsályktunar um stefnumótaða byggðaaætlun um jafnt aðgengi að þjónustu, jöfn tækifæri til atvinnu og sjálfbæra þróun byggða um allt land.

Það ferli að beita samþættingu byggðasjónarmiða á fjárlagaferlið gæti þýtt að:

- Byggðamat er lagt á fjárlögn (í samræmi við 14. gr. laga um opinber fjármál)
- Byggðasjónarmið eru samofin í öll stig fjárhagsáætlunar- og fjárlagaferlisins.
- Tekju- og útgjaldaliðir endurskipulagðir með það að markmiði að stuðla að þeim markmiðum er fram koma í ályktuninni.

Að öðru leyti vill Austurbrú taka heilshugar undir ályktanir SSA (Sambands sveitarfélaga á Austurlandi) og að auki vekja athygli á þeirri umsögn sem sérstaklega var send vegna umfjöllunar um menningarmál í ályktuninni af hálfu menningarfulltrúa Austurbrúar.



Jóna Árný Þórðardóttir
Framkvæmdastjóri Austurbrúar

